




Bosnia and Herzegovina  
Federation of Bosnia and Herzegovina  
Bosna i Hercegovina  
Federacija Bosne i Hercegovine

**CANTON SARAJEVO  
ASSEMBLY**



Broj:01-04-46892-25/23  
Sarajevo, 21.11.2023. godine

**-MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE  
KANTONA SARAJEVO**

**✓JU „SLUŽBA ZA ZAPOŠLJAVANJE KANTONA SARAJEVO“ SARAJEVO  
Ul. Đoke Mazalića 3**

**PREDMET:** Zastupnička inicijativa, dostavlja se -

**Zastupnica Jelena Pekić** je u okviru Jedanaeste radne sjednice Skupštine Kantona Sarajevo, u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), dana 20.11.2023. godine, uputila zastupničku inicijativu koju Vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanim obliku, obavijestite Skupštinu o učinjenom.

**Prilog: Zastupnička inicijativa**



**CO:**

- sekretar SKS
- sekretar Vlade



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

**Klub SDP BiH**

**Zastupnica Jelena Pekić**

Sarajevo, 17.11.2023. godine

ZA:

**BOSNA I HERCEGOVINA**

**FEDERACIJA BOSNE I HERCEGOVINE**

**KANTON SARAJEVO**

**SKUPŠTINA KANTONA SARAJEVO**

**N/r. Predsjedavajućeg Skupštine Kantona Sarajevo**

U skladu sa članom 106. i 213. Poslovnika o Skupštine Kantona Sarajevo, dostavljam:

### **ZASTUPNIČKA INICIJATIVA**

Prema Ministarstvu za rad, socijalnu politiku, raseljena lica i izbjeglice Kantona Sarajevo

Prema JU Služba za zapošljavanje Kantona Sarajevo

**Za izradu dokumenta analize aktivnih politika zapošljavanja i prijedloga novih mjera sa ciljem smanjenja nezaposlenosti na području Kantona Sarajevo.**

### **OBRAZLOŽENJE:**

Budući da JU Služba za zapošljavanje Kantona Sarajevo raspolaže značajnim sredstvima za provođenje aktivnih politika zapošljavanja, smatram da je potrebno uraditi detaljnu analizu realizacije dosadašnjih programa u posljednjih 5 – 10 godina, te predložiti nove programe.

Nove mjere moraju biti usmjerene na postizanje zaposlenosti na duži period. Većinom postojećih mjera mi zapravo vršimo kratkoročni „zakup radnih mesta“ dok su potencijali ovakvih mjera u rješavanju problema strukturalne nezaposlenosti zapravo minimalni i treba ih kombinovati sa mjerama osnaživanja nezaposlenih osoba. Fokus novih mjera, pored direktnih finansiranja upošljavanja, mora biti i na programima obuka, usavršavanju novih vještina i karijernog usmjeravanja, kako bi doprinjeli jačanju konkurentnosti i boljem pozicioniraju nezaposlenih osoba na tržištu rada, a što dovodi do rješavanja nezaposlenosti na duži period.

Potrebne su nam prekvalifikacije i dokvalifikacije za nove vještine i znanja koja se danas traže na tržištu rada u saradnji sa akreditovanim institucijama. U kreiranju novih mjera potrebno je uključiti akademsku zajednicu, sindikate, poslodavce, razgovarati sa ciljnim grupama mladima, ženama, nezaposlenima, itd.

Molim Vas da odgovor na inicijativu dostavite i u elektronskoj formi na službeni mail [jelena.pekic@skupstina.ks.gov.ba](mailto:jelena.pekic@skupstina.ks.gov.ba)

S poštovanjem,

*Jelena Pekić, zastupnica u Skupštini Kantona Sarajevo*

**Federacija Bosne i Hercegovine**  
**Kanton Sarajevo**  
**Skupština Kantona Sarajevo**  
**Ministarstvo za rad, socijalnu politiku, raseljena lica i izbjeglice Kantona Sarajevo**  
**Ul. Reisa Džemaludina Čauševića br. 1**  
**71 000 Sarajevo**

n/r Predsjedavajući Skupštine KS  
n/r Ministrica

PREDMET: Odgovor na zastupničku inicijativu, dostavlja se  
Veza: Vaš akt broj: 01-04-46892-25/23 od 21.11.2023. godine

Poštovani,

dana 23.11.2023 godine Javna ustanova „Služba za zapošljavanje Kantona Sarajevo“ Sarajevo (u daljem tekstu Služba) je zaprimila Vaš akt Zastupnička inicijativa u kojem je zastupnica Jelena Pekić u okviru Jedanaeste radne sjednice Skupštine Kantona Sarajevo uputila zastupničku inicijativu, a za koju Vam dostavljamo sljedeću informaciju:

Služba je u periodu od 2013. do 2023. godine, u okviru donesenih Programa mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo, realizovala 116 mjera aktivne politike zapošljavanja.

Detaljnju analizu svih mjera aktivne politike zapošljavanja za period od deset godina, kakva se traži ovom inicijativom Služba će svakako uraditi u narednom periodu.

Neke od navedenog broja mjera su još uvijek aktivne jer su planirane na duži vremenski period.

U okviru Programa mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo u 2021., 2022. i 2023. godini, realizovane su mjere Program sufinansiranja zapošljavanja šehidskih porodica i porodica poginulih boraca-branitelja "Vaučer za posao", predviđen je na period od 24 mjeseca za poslodavce iz javnog sektora i na period od 36 mjeseci za poslodavce sa većinskim privatnim vlasništvom, zatim, program sufinaniranja samozapošljavanja mladih nezaposlenih osoba do 35 godina života u 2022 i 2023. godini, Služba sufinansira na period od 18 mjeseci. Također, u 2023. godini Služba je objavila javni poziv za Program sufinansiranja zapošljavanja maloljetnih demobilisanih boraca, ravnih vojnih invalida i članova njihovih porodica, koji je predviđen na period od 24 mjeseca.

Izmjenama i dopunama Finansijskog plana za 2023 godinu Služba je za mjere aktivne politike zapošljavanja planirala 27.086.729,00 KM pa će samim tim realizovati veći broj mjera koje će, kao i do sada, biti usmjerene na zaposlenje velikog broja nezaposlenih osoba sa evidencije nezaposlenih Kantona Sarajevo.

Planiramo realizovati mjere i na kraći I na duži vremenski period kao i Program obuke, dokvalifikacije i prekvalifikacije nezaposlenih osoba a sve sa ciljem da se nezaposlenim osobama omogući sticanje novih znanja i vještina za obavljanje složenijih poslova, kao i

postizanje većeg stepena znanja i vještina u okviru postojećeg zanimanja i na taj način omogući da budu konkurentniji na tržištu rada.

Kao što je poznato Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo, članom 4. definisano je da Vlada Kantona utvrđuje godišnji Program mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo (u daljem tekstu: Program) koje se u Kantonu poduzimaju u cilju provođenja pojedinačnih, konkretnih vidova podsticanja zapošljavanja, te da Vlada Kantona utvrđuje na zajednički prijedlog Ministarstva za rad, socijalnu politiku, raseljena lica i izbjeglice, Ministarstva privrede i Kantonalne službe.

S poštovanjem

JU "Služba za zapošljavanje Kantona Sarajevo" Sarajevo

13.12.2023. godine, Sarajevo